

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 10. sjednici, održanoj dana 21.06.2019. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Zahtjevu Tanković Ermina, direktora Javne ustanove Mješovita srednja škola Maglaj, broj: 01-357/2019 od 22.05.2019. godine za Autentičnim tumačenjem člana 112. stav (3), Zakona o srednjoj školi („Službene novine Zeničko-dobojskog kantona“, broj: 9/17).

II.

Zaključak sa Mišljenjem iz tačke I. upućuje se u dalju skupštinsku proceduru.

III.

Zaključak stupa na snagu danom donošenja.

**PREMIJER
po ovlaštenju**

Mirnes Bašić

Broj: 02-_____/19
Datum, 21.06.2019. godine
Z e n i c a

DOSTAVLJENO:

1x Ministarstvo za obrazovanje, nauku, kulturu i sport,
1x Stručna služba Skupštine,
1x a/a.

Na osnovu člana 18. stav (1) Zakona o kantonalnim ministarstvima i drugim tijelima kantonalne uprave, („Službene novine Zeničko-dobojskog kantona“, broj: 10/15), postupajući po prethodnom Zahtjevu za davanjem Autentičnog tumačenja člana 112. stav (3) Zakona o srednjoj školi („Službene novine Zeničko-dobojskog kantona“, broj: 9/17), podnesenom od strane direktor Javne ustanove Mješovita srednja škola Maglaj Ermin Tanković, prof., svojim aktom, broj: 01-357/2019., od 22.05.2019. godine, Ministarstvo za obrazovanje, nauku, kulturu i sport daje sljedeće

MIŠLJENJE

Članom 112. stav (3) Zakona o srednjoj školi („Službene novine Zeničko-dobojskog kantona“, broj: 9/17) je propisano „Ako radnik škole, odnosno drugo lice koje je imenovano na funkciju ima ugovor o radu na neodređeno vrijeme u školi na području Zeničko-dobojskog kantona, na njegov će zahtjev ugovor o radu mirovati do prestanka mandata.“.

Navedena odredba se odnosi na status bilo kojeg radnika škole koji ima ugovor o radu na neodređeno radno vrijeme i čiji će ugovor o radu mirovati ako bude imenovan na bilo koju funkciju/mandat direktora javnih ustanova, preduzeća, načelničkih pozicija i sl. koje su mandatnog karaktera.

Kada su u pitanju prava direktora škole iz radnog odnosa, članom 143. stav (2) i stav (4) Zakona o srednjoj školi („Službene novine Zeničko-dobojskog kantona“, broj: 9/17) je propisano:

„Ako radnik škole, odnosno drugo lice koje je imenovano na funkciju direktora iz stava (1) ovog člana, ima ugovor o radu na neodređeno vrijeme u školi, na njegov će zahtjev ugovor o radu mirovati do prestanka mandata, a najduže za vrijeme trajanja dva uzastopna mandata.


Radnik škole, odnosno drugo lice koje je imenovano na funkciju direktora škole iz stava (1) ovog člana, ima se pravo vratiti na rad u školu u kojoj je prethodno radio, ako se na te poslove, uz prethodnu pisanu obavijest školskom odboru, vrati u roku od 30 dana od dana prestanka obavljanja poslova direktora, u protivnom mu prestaje radni odnos.“.

Ove odredbe se odnose na prava radnika koji je imenovan na funkciju direktora škola, te da će na njegov zahtjev ugovor o radu mirovati do prestanka mandata, a najduže za vrijeme trajanja dva uzastopna mandata što je i regulisano navedenim članom.

S obzirom na naprijed navedeno, te posebno na činjenicu da je u konkretnom slučaju naglasak podnosioca zahtjeva usmjeren na prateća pitanja koja su postavljena u dijelu obrazloženja Zahtjeva za autentičnim tumačenjem člana 112. stav (3) Zakona o srednjoj školi („Službene novine Zeničko-dobojskog kantona“, broj: 9/17), mišljenja smo da su članom 112. stav (3) i članom 143. stav (2) i stav (4) Zakona o srednjoj školi („Službene novine Zeničko-dobojskog kantona“, broj: 9/17) u dovoljnoj mjeri i na opći način uređeno navedeno pitanje kao i uslovi po kojima se takav rad može realizovati, odnosno da su jasno, precizno i nedvojbeno uređena prava svih radnika škole i radnika koji su imenovani na funkciju direktora škole.

S poštovanjem,

Zenica, 01.07.2019. godine
Broj: 10-38-8731-1-1/19.



Prof. dr. Spahija Kozlić
A